

科卷三

天鈞論附內鈞龜胸龜背腹痛附虫痛盤腸氣痛腫滿論
脹滿論癰証論瘰癧病論附內瘰癧五鞭五軟論附鶴膝風
疳疾論消渴論附黃疸胎黃自汗論附盜汗
不寐好睡論附喜笑不休悲哭不止夜啼諸血論二便色白
瀉泄痢疾疝氣時疫

金匱啟鐫

魏江黃朝坊妙山輯著

天鈞論

附內鈞龜胸龜背

慨夫育子之難也。自胎孕以至於懷抱。飲食起居。風寒暑濕。不可稍失調護。偶失所養。子病作焉。嘗考經書。乳子有天鈞內鈞二病。究所由來。天鈞之証。因乳母厚味過傷。致小兒吮乳之下。心肺生熱。凝痰阻滯。抑或懷抱失衛護之宜。致風寒戕賊。邪壅爲殃。故其形而爲証。頭反懸。目仰視。驚悸壯熱。泪出不流。手足搦搐。如附鬼祟。然而悲啼不絕。甚者爪甲皆青。凡遇此候。治當速解其邪。以鈞藤飲進之。病卽

消矣。若氣喘而息不靜，以烏鵲四君湯主之。其氣即平。至如內鉤一証，乃在胎中母失自保，或受風寒之賊，或被驚恐之傷，且或在懷抱之中，乳母飲食未節，怒鬱未平，亦能殃及兒身，而爲此証。故形爲候也。腹痛氣喘，唇黑僵僂，角弓反張，其囊則腫，其眼尾則帶赤色，此內証之的候也。夫內証既備，外亦隨之。或面足屈縮不停，或啼哭狂叫不息，或瀉泄如傾，或抽掣作痛，此外証之因証而作也。考厥治法，內証以聚寶丹主之。外証以鉤藤飲治之。然審証必尋所由，言治必清其源。審係因母傷於醇酒厚味而然，此必積毒在胃，治宜以加味清胃飲主之。審係因母素鬱怒未平，此必積熱在肝，治宜加味逍遙

散主之或加味歸脾湯亦可。但均宜加漏蘆。若因乳母過食厚味。宜先去宿食。而後與兒吮乳。此治兒又必先治其母。清源之最遠者也。然母之失養。貽殃於子。豈止此哉。吾聞乳母多食五辛。積成宿乳。熱乳。兒誤吮之。則熱入肺臟。肺受熱而肺氣壅。遂脹滿於胸。壅填不通。而成龜胸之証焉。抑或早坐貪涼。風吹入骨。賊邪爲禍。遂致背灣起如龜身。而成龜背之病焉。考厥治法。龜胸之証。宜防丰丸百合丸杏仁煎。皆可擇用。龜背之証。外用龜尿以塗脊骨。兼行灸法。內服松蕊丹。然兒本體虛弱。亦成此病。是宜以六味丸加上桂鹿茸主之。或四君子湯亦可。搃之嬰兒之病。由母失養而致者。十有八九。使母

勤斯調護不懈劬勞。未有不安然無故也。吾因此不禁有感於父母之恩。勤若此極也。兒之生也。自胎孕以至於分娩。自懷抱以至於成人。爲父母者。不能一意失持。不能一時失護。飲食起居。朝夕動止。風寒暑濕。言笑語默。爲兒之故。不能稍適好惡。苦何如之。夫謂父母勤以育子。或聞醫者之言。或聞袖裡之諫。必何如撫養。奉若雷霆。卽謂之朝不食。夕不眠。亦無不尊於君命。嗚呼。父母之心。揔期子之無病。揔期子之成人。雖重苦重勞。無辭焉。一旦撫之成人。爲子者知識日開。天良日濶。習俗相染。渺然不顧父母之衣食。不體父母之寒暑。不計父母之安危者。大抵如是不如是。而思父母撫我之苦。教育之恩。

之凌夷風氣之滴薄。坐忍天良滅絕。喪本忘恩。言念及之。殊斷肝腸。第人靈於物者也。彼慈烏知反哺之情。羔羊有跪乳之義。竹木何知。且知顧本末。體寒暑。以人之靈。豈不及之。感物反思。同歸於孝。庶幾且暮遇之。吾論病至此。見凡嬰兒病由於母。則不病亦由於母。不禁有感於父母恩勤之至極。而世俗人子忘親之大甚。用不揣附數語。以互相警策。後之覽者。亦將有感於斯。奮激而盡孝思。以報父母一日之苦者矣。

証治歌

小兒何以病天鈞熱生心肺痰阻留懷抱失宜風寒賊雙佻仰視反
懸頭手足擗搐如祟附驚悸壯熱淚不流邪宜速解鈞藤飲氣喘烏
蝎四君子修內鈞一証全由母驚恐風寒是病由飲食未調兼鬱怒
兒身殃及又誰尤內証腹痛兼氣喘唇黑偃僂角弓迺囊腫更兼眼
尾赤內証已的外証誼抽掣作痛足屈縮瀉泄如傾哭不休外証鈞
藤飲同善內証聚寶丹可求母食醇酒毒積胃加胃逍遙飲一甌母
多鬱怒肝熱積加味逍遙定解愁加味歸脾湯亦美均加漏蘆始無
訖母傷厚味先醫母吮乳先教宿食抽母食五辛乳宿熱兒吮熱入
肺臟幽肺因熱壅胸脹滿証發龜胸豈易瘳或以貪涼風入骨兒得

脊骨兼行灸法。慮宜周。內服松蕊丹最善。兒體虛弱。古方搜六味丸。
加鹿茸^上桂。四君子湯亦最優。揔之兒病多由母。母因兒病寔多憂。
父母恩勤真罔極。顧復何能萬一酬。

方

緊寶丹

人參

茯苓

琥珀

天麻

姜蚕

全蝎

炙

防丰

胆星

白附

生用

烏蛇

肉

硃砂

射香

右爲末。蜜丸。梧子大。每服二丸。薑蒲湯下。

烏蝎四君子湯

人參

白朮

茯苓

甘草

川烏

全蝎

右爲末每服半錢薑棗煎服次服去川烏。

枳壳防丰丸

當歸

大黃

前胡

麻黃

貝壳

獨活

防丰

石爲細末。米粉糊丸。每服十丸。米湯下。

百合丸

桑皮蜜炙

木通

朴硝

杏仁

大黃煨

天冬

右爲末蜜丸酒下十丸。

松蕊丹

黃松花

貝壳

獨活

防丰

麻黃

前胡

大黃

肉桂

右爲細末。蜜丸。黍米大量兒大小加減粥飲下。

神授治雞胸良驗方

淮山

八分

白朮

五分

全歸

四分

甘草

半分

右剉散用全身紫蘇一葉。先煎數沸。後入諸藥。加生薑濃煎。服七

劑服至三劑外用葱白一握白胡椒五錢生附子一個上四六二分元寸一分生薑一大塊共抖爛爲餅貼於胸上用紙七層蓋上將烙鉄燒熟就紙上熨之若冷再炙再熨必熨至肉內知熱方止日熨三次良效

鉤藤飲

鉤藤

茯神

茯苓

川芎

當歸

木香

甘草

芍藥

右加薑棗煎服若心經熱臉紅舌白小便赤澀本方去木香加朱砂末木通湯下

加味清胃飲

六味丸 見胎病

加味歸脾湯

四君子湯 見外感

加味逍遙散

杏仁煎 見咳嗽

腹之痛也。証不一焉。有因風寒暑濕。冷熱食積。邪正相搏而痛者。有虫積中而痛者。且有盤腸氣滯而痛者。顧痛同爲証各別。所因各分。醫治所當詳辨。倘執一以下方。豈有濟哉。稽夫邪正相搏爲痛。有因脾寒者焉。此証口中氣冷。不思飲食。治宜異功散。或理中湯。有挾熱而痛者焉。此証身體壯熱。面赤心煩。其痛手按不止。治宜瀉黃散。若大便調。用甘芍湯。結用清涼飲。有因食積停滯而痛者焉。此証面黃或白。口中氣溫。噯酸。睛光朦朧。治此輕用消乳丸。重用保和丸。有體虛弱中夾寔邪而痛者焉。此証神疲體倦。痛按不止。口渴心煩。胸作

飽脹治宜消痞丸。有因脾虛肝燥，木乘土衰而痛者焉。此証痛必連脇。治宜柴芍六君子湯。更有腹痛瀉泄如傾，而口渴者焉。此証雖係寔証，必先防瀉泄虛陷。宜七味白朮散。若審係虛寒，必用六君子湯加附桂炮薑主之。**至虫痛**其候必紅唇面白，口吐青水，脈必見洪。其腹按之有殷，其痛必時止時作。治宜椒梅理中湯。加史君子、武英之屬，或烏梅尤亦可。但宜除黃柏一味。設仍不應，體寔者用安虫散。體弱者於椒梅理中湯內加附桂，自然虫下病安。**陽**若夫盤腸氣痛，其候腰曲乾啼，額上有汗。此皆肝風爲虐。然下藥尤必詳辨如下利。青糞者，用鈎藤膏。小便不通者，用導赤散。額汗足冷者，用沉香降氣。

味歸脾湯。或加味逍遙散。加味消痞飲。治之自無不愈甚矣。一腹而

証治歌

腹之痛也証不一風寒暑濕辨宜的邪正相搏致痛疼又有冷熱兼食積虫痛盤腸各有因辨証詳明方有益脾寒氣冷進理中湯兼進

異功散
寒可歸挾熱面赤並心煩瀉黃散
煎服自大吉大便調兮甘

芍湯清涼散用療便秘食積停滯面白黃口內氣溫酸噯逆輕用消

乳丸
重保和丸
服之病去自怡懌體虛中夾寔邪疼飽脹消痞丸須

蜜脾虛肝燥木乘脾証見痛疼連脇腋治宜柴芍六君子湯脾旺肝

平愈可必腹痛口渴瀉如傾証寔先防虛陷溺七味白朮散宜投脾

扶瀉止生津液審係虛寒用六君附桂炮薑必加入至若虫証水吐

青面白唇紅脈有力按之有股痛隨時椒梅理中湯投宜急加入史

君並武夷烏梅丸除黃柏章程立弱用椒梅理中湯寔安虫散自然

虫下病安輯盤腸氣痛曲腰啼肝風爲虐額汗滴用葯詳辨莫倉皇

下利青糞鈎藤膏覓小便不通導赤散投額汗足冷宜沉香降氣湯

服之不效用理中湯醫師療治宜精細若因乳母食滯然或稟母性

致斯疾歸脾消痞加味投加味逍遙散難別腹痛分証原各殊詳明